

43 diberi vaksin antibarrah

FAKTA
Program
kesedaran
dikelolakan
elak
kekeliruan

>>Oleh Norainon Othman

norainon@hmetro.com.my

KUALA LUMPUR: Apabila kerajaan memutuskan untuk memberi vaksin pelalian mencegah penyakit kanser serviks atau pangkal rahim secara percuma kepada remaja perempuan muncul banyak pertanyaan mengenai langkah berkenaan serta jenis penyakit itu.

Sehubungan itu, Kementerian Pembangunan Wanita dan Keluarga akan bekerjasama dengan Kementerian Kesihatan dalam mengadakan program kesedaran mengenai kanser serviks untuk ibu bapa remaja.

Menterinya, Datuk Seri Shahrizat Abdul Jalil, berkata program itu bertujuan memberi pendedahan lanjut kepada ibu bapa mengenai penyakit yang meragut banyak nyawa wanita di seluruh dunia itu.

Menurutnya, ibu bapa remaja akan didedahkan mengenai langkah mencegah dan tindakan lanjut menghindar serta kebaikan mengambil vaksin pelalian virus human papilloma (HPV) untuk mencegah kanser serviks.

"Kerjasama antara dua kementerian berjalan lancar. Program ini mustahak dan ibu bapa remaja akan men-



CEGAH...Shahrizat (kanan) bersama Dr Nor Ashikin memerhatikan Dr Liyana Dhamirah Aminuddin (kiri) menyuntik vaksin HPV kepada seorang remaja.

dapat faedah dan maklumat berguna daripadanya," katanya selepas merasmikan Hari Kanser Payu Dara dan Serviks 2009 anjuran Pusat Perubatan PrimaNora di Plaza TTDI, Taman Tun Dr Ismail di sini, kelmarin.

Atas inisiatif pusat perubatan itu, 43 kanak-kanak dari Rumah Anak Yatim Baitul Izzah, Pertubuhan Rumah Amal Cahaya Tengku Ampuan Rahimah (Ractar) dan Pure Life mendapat vaksin pelalian HPV bagi mencegah kanser berkenaan.

Pengasas dan Pengurus Eksekutif Pusat Perubatan PrimaNora, Datuk Dr Nor

Ashikin Mokhtar, berkata senjata utama bagi menentang kanser ialah pengetahuan mengenainya serta mengamalkan cara terbaik bagi menghindarinya.

Menurutnya, virus HPV tidak semestinya merebak melalui hubungan seks atau mengamalkan gaya hidup tidak sihat.

"Penting untuk seseorang mengesan jangkitan HPV seawal yang mungkin. Virus HPV juga boleh berjangkit melalui sentuhan iaitu ketika seseorang berjabat tangan atau duduk di kerusi yang sebelum itu diduduki mereka mendapat jangkitan itu," katanya.